

আবেদনকারীর
সাম্প্রতিক ০২
কপি ছবি
(সত্যায়িত)

২৮তম ঢাকা আন্তর্জাতিক বাণিজ্য মেলা (ডিআইটিএফ)-২০২৪
[১৫ জানুয়ারি, ২০২৪ তারিখ (সম্ভাব্য) হতে মাসব্যাপী]
www.epb.gov.bd / Facebook: www.facebook.com/epb.gov.bd
E-mail: ditf@epb.gov.bd



বিষয়ঃ ২৮তম ঢাকা আন্তর্জাতিক বাণিজ্য মেলা (ডিআইটিএফ)-২০২৪ প্রাঙ্গণে প্রবেশ টিকেট ইজারা/বরাদ্দ সংক্রান্ত দরপত্র শিডিউল (দরপত্র বিজ্ঞপ্তিতে উল্লিখিত কাজের ক্রমিক নং-(i) দ্রষ্টব্য)।

- ১। দরপত্র আহবানের উদ্দেশ্য : পূর্বাচল নতুন শহর প্রকল্পের ০৪নং সেক্টরে নির্মিত বঙ্গবন্ধু বাংলাদেশ-চায়না ফ্রেন্ডশিপ এক্সিবিশন সেন্টার (বিবিসিএফইসি)-এ আগামী ১৫ জানুয়ারি, ২০২৪ তারিখ (সম্ভাব্য) হতে মাসব্যাপী অনুষ্ঠেয় ২৮তম ঢাকা আন্তর্জাতিক বাণিজ্য মেলা (ডিআইটিএফ)-২০২৪ এর দর্শনার্থীদের নিকট প্রবেশ টিকেট বিক্রয় কার্যক্রম সুষ্ঠু ও সুশৃঙ্খলভাবে পরিচালনা।
- ২। কাজের নাম : ডিআইটিএফ-২০২৪ এর প্রবেশ টিকেট ইজারা/বরাদ্দ কাজ।
- ৩। সর্বনিম্ন মূল্য (Floor Rate) : টাঃ ৪,৫০,০০,০০০/- (টাকা চার কোটি পঞ্চাশ লক্ষ) মাত্র (ভ্যাট ও ট্যাক্স ব্যতীত)।
- ৪। দরপত্র প্রসেসিং ফি (ভ্যাট ও ট্যাক্সসহ) : টাঃ ১৩,৫০০/- (টাকা তের হাজার পাঁচশত) মাত্র (অফেরতযোগ্য)। ব্র্যাক ব্যাংক লিঃ-এর যে কোন শাখায় “ঢাকা আন্তর্জাতিক বাণিজ্য মেলা তহবিল (DHAKA INTERNATIONAL TRADE FAIR FUND)” শিরোনামের হিসাব নম্বর- ১৫০১১০২৪৮৫১০৩০০১-এ জমা দিয়ে ডিপোজিট স্লিপের কপিসহ দরপত্রের/আবেদনপত্রের সাথে দাখিল করতে হবে (ই-মেইলে আবেদনের ক্ষেত্রে ডিপোজিট স্লিপের স্ক্যান কপি দাখিল করতে হবে)। অন্যথায় আবেদনপত্র সরাসরি বাতিল বলে গণ্য হবে।
- ৫। দরপত্র দাখিলের সর্বশেষ তারিখ ও সময় : ০৯-১১-২০২৩ খ্রিঃ তারিখ দুপুর ০২:০০ টা পর্যন্ত।
- ৬। দরপত্র দাখিল প্রক্রিয়া, দাখিলের স্থান : প্রবেশ টিকেট ইজারা কাজের দরপত্র নির্ধারিত নিয়মাবলী অনুসরণপূর্বক ও প্রয়োজনীয় কাগজপত্রসহ www.epb.gov.bd/www.facebook.com/epb.gov.bd থেকে শিডিউল/আবেদনপত্র ফরম ডাউনলোড করে পূরণকৃত হার্ডকপি আগামী ১৯-১০-২০২৩ খ্রিঃ তারিখ হতে ০৯-১১-২০২৩ তারিখ দুপুর ০২:০০ ঘটিকার মধ্যে নিম্নোক্ত দপ্তর সমূহে রক্ষিত টেন্ডার বাক্সে সরাসরি অথবা ডাকযোগে দাখিল করতে হবেঃ
(ক) প্রশাসন শাখা এবং ডিআইটিএফ সচিবালয়, রপ্তানি উন্নয়ন ব্যুরো, টিসিবি ভবন (৫ম তলা), ১ কাওরান বাজার, ঢাকা;
(খ) অতিরিক্ত বিভাগীয় কমিশনার (সার্বিক)-এর অফিস কক্ষ, (১ম ১২ তলা ভবন ৩য় তলা, কক্ষ নং-৩০৩, সেগুনবাগিচা), ঢাকা;
(গ) বাণিজ্য মন্ত্রণালয়, ভবন নং-০৩ (২য় তলা), কক্ষ নং-১২৬-গ, বাংলাদেশ সচিবালয়, ঢাকা; এবং
(ঘ) এছাড়া, ই-মেইলঃ ditf@epb.gov.bd এর মাধ্যমে আবেদনপত্র/দরপত্র দাখিল করা যাবে।
- ৭। দরপত্র খোলার তারিখ, সময় ও স্থান : ০৯-১১-২০২৩ খ্রিঃ তারিখ বিকাল ০৩:৩০ টায় রপ্তানি উন্নয়ন ব্যুরোর কনফারেন্স রুম (টিসিবি ভবন (৫ম তলা), ১, কাওরান বাজার, ঢাকা)-এ দরপত্র দাতাগণের সম্মুখে (যদি কেউ উপস্থিত থাকেন)।
- ৮। মেলার মেয়াদ কাল : আগামী ১৫ জানুয়ারি, ২০২৪ তারিখ (সম্ভাব্য) হতে মাসব্যাপী।
- ৯। ইজারা/বরাদ্দ গ্রহণে আগ্রহী দরপত্র দাতা : সংস্থা/ প্রতিষ্ঠানের নাম, ঠিকানা, ফোন ও ফ্যাক্স নম্বর



১০। (ক) দরপত্রের সাথে যে সকল কাগজপত্র/ ডকুমেন্টস দাখিল করতে হবে : হালনাগাদ ট্রেড লাইসেন্স, জাতীয় পরিচয় পত্রের ফটোকপি, ভ্যাট সনদপত্র, ২০২২-২৩ কর বছরের আয়কর মামলার নিষ্পত্তির সনদপত্র, ব্যাংক সচ্ছলতার হালনাগাদ সনদপত্র-এর সত্যায়িত কপি, মেলা তহবিলে সকল অর্থ জমার সমর্থনে (যেমনঃ প্রসেসিং ফি, উদ্ধৃত মূল্য ইত্যাদি) ডিপোজিট স্লিপের কপি, দরপত্রদাতার সদ্য তোলা সত্যায়িত ০২ (দুই) কপি পাসপোর্ট সাইজের ছবি ও দরপত্র বিজ্ঞপ্তিতে উল্লিখিত অন্যান্য কাগজপত্র।

(খ) দাখিলকৃত কাগজপত্র/ডকুমেন্টস-এর তালিকা :

১১। উদ্ধৃত মূল্য (Quoted Value) : টাঃ কথায়ঃ
(ভ্যাট ট্যাক্স ব্যতীত)

বিঃ দ্রঃ- আলোচ্য ইজারা/বরাদ্দ কাজের সর্বনিম্ন মূল্য (Floor Rate) হবে টাঃ ৪,৫০,০০,০০০/- (চার কোটি পঞ্চাশ লক্ষ) মাত্র (ভ্যাট ও ট্যাক্স ব্যতীত)। উক্ত মূল্যের কম মূল্যে কোন দরপত্র বিবেচনা করা হবে না।

১২। ইজারা/বরাদ্দ (উদ্ধৃত মূল্য) মূল্য অগ্রিম পরিশোধঃ

উদ্ধৃত মূল্যের (Quoted Value) সমুদয় অর্থ (ভ্যাট ও ট্যাক্স ব্যতীত) দরপত্র দাখিলের পূর্বেই ব্র্যাক ব্যাংক লিঃ-এর যে কোন শাখায় "ঢাকা আন্তর্জাতিক বাণিজ্য মেলা তহবিল (DHAKA INTERNATIONAL TRADE FAIR FUND)" শিরোনামের হিসাব নম্বর-১৫০১১০২৪৮৫১০৩০০১-এ জমা করে জমাদানের মূল ডিপোজিট স্লিপ দরপত্রের সাথে দাখিল করতে হবে। ই-মেইলে আবেদনের ক্ষেত্রে ডিপোজিট স্লিপের স্ক্যান কপি দাখিল করতে হবে (ডিপোজিট স্লিপ অবশ্যই আবেদনকারী প্রতিষ্ঠান অথবা ফার্মের নামে হতে হবে)।

(ক) অংকে টাঃ-----
কথায় টাঃ-----
(খ) ব্যাংকের নাম ও শাখা -----
(গ) ব্যাংক ডিপোজিট স্লিপের স্ক্রল নং-----
(ঘ) তারিখ -----

দরপত্র দাতার স্বাক্ষর, তারিখ ও
সীলমোহর



১৩। দরদাতা কর্তৃক অবশ্য পালনীয় শর্তাবলীঃ

- (১) দাখিলকৃত দরপত্র প্রত্যাহার করা হলে সমুদয় জমাকৃত অর্থ বাজেয়াপ্ত করা হবে।
- (২) ইজারা প্রাপ্ত সংস্থা/প্রতিষ্ঠানের অনুকূলে মেলা কর্তৃপক্ষ কর্তৃক প্রাথমিকভাবে কার্যাদেশ জারীর ৭(সাত) দিনের মধ্যে উদ্ধৃত দরের অর্থ ছাড়াও [উদ্ধৃত মূল্যের উপর ১৫% ভ্যাট + উদ্ধৃত মূল্যের উপর ১০% আয়কর + প্রযোজ্য অন্যান্য কর (যদি থাকে)সহ] ব্র্যাক ব্যাংক লিঃ-এর যে কোন শাখায় "ঢাকা আন্তর্জাতিক বাণিজ্য মেলা তহবিল (DHAKA INTERNATIONAL TRADE FAIR FUND)" শিরোনামের হিসাব নম্বর-১৫০১১০২৪৮৫১০৩০০১-এর যে কোন শাখায় জমা করে ডিপোজিট স্লিপ এর কপি দরপত্রের সাথে সংযুক্ত করতে হবে। অন্যথায় চূড়ান্তভাবে কার্যাদেশ প্রদান করা হবে না এবং সেক্ষেত্রে দরপত্রের সহিত জমাকৃত সমুদয় অর্থ বাজেয়াপ্ত করা হবে;
- (৩) বর্তমান করোনা পরিস্থিতিতে স্বাস্থ্য বিধি বিবেচনায় মেলার প্রবেশ টিকেট ইজারাদারকে আবশ্যিকভাবে সরাসরি এবং অনলাইন উভয় পদ্ধতিতে বিক্রয় করতে হবে। এক্ষেত্রে শুধুমাত্র রপ্তানি উন্নয়ন ব্যুরো (ইপিবি) কর্তৃক নির্ধারিত প্রতিষ্ঠান/সংস্থার মাধ্যমে অন-লাইন টিকেট বিক্রয় করতে হবে;
- (৪) প্রবেশ টিকেটের মূল্য মেলা কর্তৃপক্ষ কর্তৃক নির্ধারণ করা হবে এবং নির্ধারিত মূল্যে ইজারা প্রাপ্ত সংস্থা/প্রতিষ্ঠান কর্তৃক মেলা চলাকালে প্রবেশ টিকেটের মূল্য আদায়পূর্বক সমমূল্যের টিকেট সরবরাহের মাধ্যমে মেলা প্রাঙ্গণে প্রবেশের ব্যবস্থা করবে। ০২(দুই) বৎসর বয়স পর্যন্ত শিশুদের জন্য কোন প্রকার প্রবেশ মূল্য আদায় করা যাবে না। তাছাড়া কোন ব্যক্তির নিকট হতে কোন ক্রমেই অতিরিক্ত প্রবেশ মূল্য আদায় করা যাবে না এবং টিকেট কাউন্টারে সব সময় টিকেটের পর্যাপ্ত মজুদ অবশ্যই নিশ্চিত করতে হবে ;
- (৫) বিক্রিতব্য উভয় প্রকার টিকেট মুদ্রণ চূড়ান্ত করার পূর্বে টিকেটের নমুনা অবশ্যই মেলা কর্তৃপক্ষের নিকট হতে অনুমোদন করে নিতে হবে;
- (৬) প্রতিটি টিকেট কাউন্টারের সম্মুখে বাংলা এবং ইংরেজি বড় অক্ষরে টিকেটের মূল্য লিপিবদ্ধ করতে হবে;
- (৭) মেলা প্রাঙ্গণে সন্তুভাবে প্রবেশের জন্য ২টি প্রবেশ গেইটের (প্রধান প্রবেশ গেইট ও দ্বিতীয় প্রবেশ গেইট) উভয় পার্শ্বে টিকেট বিক্রয়ের সুবিধার্থে প্রয়োজনীয় সংখ্যক টিকেট কাউন্টারের ব্যবস্থা করতে হবে। এ ছাড়াও ইজারাপ্রাপ্ত সংস্থা/ প্রতিষ্ঠান ইচ্ছা করলে ঢাকা শহরের বিভিন্ন স্থান হতে টিকেট বিক্রির ব্যবস্থা করতে পারবেন;
- (৮) মেলা প্রাঙ্গণের ভিআইপি প্রবেশ দ্বার ও সার্ভিস প্রবেশ দ্বার সম্পূর্ণভাবে মেলা কর্তৃপক্ষের নিয়ন্ত্রণে থাকবে। এ ক্ষেত্রে ইজারাদার/বরাদ্দপ্রাপ্ত প্রতিষ্ঠানের কোন প্রকার কর্তৃত্ব থাকবে না;
- (৯) প্রবেশ টিকেট ইজারা/বরাদ্দের কার্যাদেশ প্রাপ্ত প্রতিষ্ঠান কর্তৃক বিনামূল্যে কোন প্রকার প্যাভিলিয়ন, মিনি-প্যাভিলিয়ন, স্টল অথবা রেস্টোরার জন্য স্থান বরাদ্দের দাবী করা যাবে না অথবা তাদের অফিস রুম ব্যবহারের জন্য কোন Space বা স্টল বরাদ্দ দাবী করা যাবে না;
- (১০) মেলা কর্তৃপক্ষ কর্তৃক ইস্যুকৃত ডিউটি পাস, এক্সিবিটর্স পাস, কমপ্লিমেন্টারী পাস, মেলা কর্তৃপক্ষ (Fair Authority) পাসধারীগণ বিনা টিকেটে যে কোন প্রবেশ গেইট দিয়ে যে কোন সময় মেলায় প্রবেশ করতে পারবেন। কমপ্লিমেন্টারী পাস দুই প্রকার হবে। এক প্রকার পাস দ্বারা সর্বোচ্চ ০৪(চার) জন তিন বার এবং অন্য প্রকার পাস দ্বারা সর্বোচ্চ ০২(দুই) জন তিন বার প্রবেশাধিকার লাভ করবেন। ডিউটি পাস, মেলা কর্তৃপক্ষ ও এক্সিবিটর্স পাসধারীগণ কর্তব্য পালনের জন্য যে কোন সময় মেলায় প্রবেশ ও বাহির হতে পারবেন। এ ক্ষেত্রে ইজারাদার কর্তৃক প্রবেশ ফি আদায় বা কোন প্রকার হয়রানি করা যাবে না। এ বিষয়ে কোন প্রকার অভিযোগ উত্থাপিত হলে এবং প্রমাণিত হলে জমাকৃত অর্থ বাজেয়াপ্তসহ কার্যাদেশ বাতিল করা হবে;
- (১১) ইজারাপ্রাপ্ত সংস্থা/প্রতিষ্ঠান কর্তৃক মহিলা ও পুরুষদের জন্য পৃথক পৃথক টিকেট কাউন্টারের ব্যবস্থা করতে হবে এবং মহিলা কাউন্টারসমূহ অবশ্যই মহিলাদের দ্বারা পরিচালনা করতে হবে। এজন্য উভয় ক্ষেত্রে পর্যাপ্ত টিকেট কাউন্টারের ব্যবস্থা রাখতে হবে;
- (১২) প্রবেশ টিকেট বিক্রির সময়কাল হবে প্রতিদিন সকাল ০৯.৩০ টা থেকে রাত ০৯.৩০ টা পর্যন্ত। নির্ধারিত সময়ের পর প্রবেশ টিকেট বিক্রি এবং দর্শনাধী প্রবেশ বন্ধ করে উভয় গেট মেলা কর্তৃপক্ষের নিকট বন্ধিয়ে দিতে হবে;
- (১৩) ইজারাপ্রাপ্ত সংস্থা/প্রতিষ্ঠান কর্তৃক প্রবেশ দ্বার এলাকায় সার্বক্ষণিক পাহারা/সিকিউরিটি সার্ভিস এর ব্যবস্থা রাখতে হবে। উক্ত এলাকায় নিযুক্ত ব্যক্তি ও স্টাফদের নামের তালিকা এবং প্রত্যেকের সাম্প্রতিক তোলা পাসপোর্ট সাইজের সত্যায়িত ২(দুই) কপি ছবি কার্যাদেশ প্রাপ্তির ০৭(সাত) দিনের মধ্যে মেলা সচিবালয়ে এবং আইন শৃঙ্খলা রক্ষাকারী বাহিনীর সংশ্লিষ্ট ক্যাম্প অফিসে জমা দিতে বাধ্য থাকবেন। নাম ও ছবি বিহীনভাবে কোন ব্যক্তি/স্টাফদের গেটে ডিউটি করতে দেয়া হবে না। এ বিষয়ে মেলা কর্তৃপক্ষের সংশ্লিষ্ট কর্মকর্তা ও আইন শৃঙ্খলা রক্ষাকারী বাহিনীর সদস্যগণ প্রতিনিয়ত তদারকী করবেন;
- (১৪) ইজারাপ্রাপ্ত সংস্থা/প্রতিষ্ঠানকে মেলার প্রবেশ গেট এলাকায় পূর্ণ নিরাপত্তা ও শৃঙ্খলা বজায় রাখার জন্য সকল প্রকার নিশ্চয়তা বিধান করতে হবে। গেটে কোন প্রকার অপ্রীতিকর ঘটনা ঘটলে ইজারাপ্রাপ্ত সংস্থা/প্রতিষ্ঠান তাৎক্ষণিকভাবে আইন-শৃঙ্খলা রক্ষাকারী কর্তৃপক্ষর নজরে আনবেন এবং তাঁদের সহায়তায় তা সমাধান করবেন;
- (১৫) মেলা কর্তৃপক্ষ কর্তৃক ইস্যুকৃত এক্সিবিটর্স পাসধারীগণ মেলা চলাকালীন প্রতিদিন রাত ১০.৩০ টা থেকে ভোর ৬.৩০ টা পর্যন্ত হাতে/মাথায়/ভ্যান গাড়ী দিয়ে নিজ নিজ প্যাভিলিয়ন/মিনি-প্যাভিলিয়ন/স্টলের খাদ্য এবং প্রদর্শনী সামগ্রী বহন করতে পারবে। এতে প্রবেশ টিকেট কাজের ইজারা গ্রহীতা কর্তৃক কোন প্রকার অর্থ দাবী ও আদায় করা যাবে না;
- (১৬) মেলা চলাকালে প্রবেশ পথ এলাকায় ইজারাদার কর্তৃক কোন প্রকার অপ্রীতিকর ঘটনার সৃষ্টি করা হলে অথবা ইজারাপ্রাপ্ত সংস্থা/প্রতিষ্ঠানের বিরুদ্ধে কোন প্রকার অভিযোগ পাওয়া গেলে এবং তা প্রমাণিত হলে ইজারার সাথে দাখিলকৃত সমুদয় অর্থ বাজেয়াপ্তকরণ, কার্যাদেশ বাতিলকরণসহ আইনানুগ ব্যবস্থা গ্রহণ করা হবে;




- (১৭) ইজারাপ্রাপ্ত সংস্থা/প্রতিষ্ঠানকে মেলায় প্রবেশের টিকেট কাউন্টার এবং প্রবেশ দ্বারে শৃঙ্খলা রক্ষার জন্য পর্যাপ্ত সংখ্যক কর্মী নিয়োগ করতে হবে। দর্শনাধীদের সাথে টিকেট বিক্রোতা ও নিয়োগকৃত কর্মীদের আচার-আচরণ/ব্যবহার অবশ্যই মার্জিত ও শোভনীয় হতে হবে। এ ধরনের কর্মী নিয়োগের ক্ষেত্রে মেলা কর্তৃপক্ষের মতামত প্রাধান্য পাবে। সন্দেহজনক চরিত্রের কোন ব্যক্তি বা অপরাধ চক্রের সাথে জড়িত অথবা পুলিশি তালিকাভুক্ত কোন ব্যক্তিকে এ দায়িত্বে নিয়োগ/নিয়োজিত করা যাবে না। এ কাজের জন্য নিয়োগকৃত সকল কর্মী বা ব্যক্তি সন্ত্রাসী, সমাজবিরোধী ও আইন-শৃঙ্খলা পরিপন্থী কার্যকলাপের সাথে জড়িত নন - এ মর্মে পুলিশ বিভাগ থেকে ছাড়পত্র গ্রহন করতে হবে।
- (১৮) আন্তর্জাতিক মেলার শৃঙ্খলা ও ভাবমূর্তি বজায় রাখার স্বার্থে মেলা চলাকালে মেলা প্রাঙ্গণে হকার, টোকাই, ক্যানভাসার এবং ভিক্ষা বৃত্তিতে নিয়োজিত কোন ধরনের ব্যক্তির (প্রাপ্ত/অপ্রাপ্ত বয়স্ক) নিকট প্রবেশ টিকেট বিক্রয় ও মেলায় প্রবেশ সম্পূর্ণরূপে নিষিদ্ধ। এ ব্যাপারে মেলা কর্তৃপক্ষ ও আইন শৃঙ্খলার দায়িত্বে নিয়োজিত সংশ্লিষ্ট কর্মকর্তাগণ কর্তৃক সার্বক্ষণিকভাবে তদারকি করা হবে;
- (১৯) মেলার সার্ভিস গেট সুষ্ঠুভাবে পরিচালনার জন্য ইপিবি, পুলিশ, আনসার, বিজিবি, র‍্যাভ ও অন্যান্য আইন প্রয়োগকারী সংস্থার প্রতিনিধিগণ সম্মিলিতভাবে দায়িত্ব পালন করবেন। এ ক্ষেত্রে ইজারা গ্রহণকারীর কোন প্রকার নিয়ন্ত্রণ সার্ভিস গেটে থাকবেনা। মেলা চলাকালীন প্রতিদিন রাত ১০:৩০টা থেকে ভোর ০৬:৩০ টা পর্যন্ত মেলায় স্থানীয় ও বিদেশি অংশগ্রহণকারীদের প্রদর্শনী সামগ্রী মেলা কর্তৃপক্ষের স্টিকারযুক্ত অনধিক ০৫(পাঁচ) টন ধারণ ক্ষমতা সম্পন্ন অথবা হালকা যানবাহন/ড্যান গাড়ীর মাধ্যমে মেলায় প্রবেশে কোন প্রকার ফি আদায় করা যাবে না এবং কোন প্রকার প্রতিবন্ধকতা সৃষ্টি করা যাবে না। বিষয়টি মেলা কর্তৃপক্ষ ও আইন-শৃঙ্খলা রক্ষাকারী বাহিনী কর্তৃক সার্বক্ষণিকভাবে তদারকি করবেন। এ সংক্রান্ত কোন অভিযোগের সত্যতা প্রমাণিত হলে জমাকৃত অর্থ বাজেয়াপ্ত করা হবে;
- (২০) মেলার প্রবেশ গেইট এবং টিকেট কাউন্টার সুষ্ঠুভাবে পরিচালিত হচ্ছে কিনা তা তদারকীর জন্য আইন শৃঙ্খলা রক্ষার দায়িত্বে নিয়োজিত ও মেলা কর্তৃপক্ষ কর্তৃক মনোনীত কর্মকর্তা সার্বক্ষণিকভাবে নিয়োজিত থাকবেন। ইজারাপ্রাপ্ত সংস্থা/প্রতিষ্ঠান এ ব্যাপারে উক্ত কর্মকর্তাবৃন্দের পরামর্শ গ্রহণ করতে বাধ্য থাকবেন;
- (২১) নির্ধারিত সময়ের পর মেলার মেয়াদকাল বৃদ্ধি করা হলে ইজারাপ্রাপ্ত প্রতিষ্ঠান আনুপাতিক হারে সকল প্রকার করসহ বর্ধিত দিনের জন্য অতিরিক্ত ইজারার অর্থ মেলা কর্তৃপক্ষকে পরিশোধ করতে বাধ্য থাকবেন। অন্যথায় বৃদ্ধি প্রাপ্ত সময়ের জন্য মেলা কর্তৃপক্ষ প্রয়োজনে বিনা টিকেটে অথবা অন্য কোন প্রতিষ্ঠানের মাধ্যমে দর্শনাধীদের প্রবেশের সুযোগ দেয়ার ক্ষমতা সংরক্ষণ করেন। এ ক্ষেত্রে মেলা কর্তৃপক্ষের সিদ্ধান্ত চূড়ান্ত বলে গণ্য হবে;
- (২২) আবহাওয়াজনিত কারণসহ অন্যান্য যে কোন কারণে মেলায় লোক সমাগম কম হলে সে ক্ষেত্রে মেলা কর্তৃপক্ষ দায়ী থাকবে না এবং এ জন্য অর্থ মওকুফের কোন সুযোগ থাকবে না। যে কোন কারণে নির্ধারিত সময়ের পূর্বে মেলা বন্ধ করা হলে ইজারা মূল্যের কোন অংশই ফেরত দেয়া হবে না;
- (২৩) প্রবেশ টিকেটের উপর যে কোন প্রকার লটারি সম্পূর্ণভাবে নিষিদ্ধ ;
- (২৪) ইতোপূর্বে ইপিবি ও ঢাকা আন্তর্জাতিক বাণিজ্য মেলার কোন কাজে অযোগ্য ঘোষিত হয়ে থাকলে অথবা অভিযোগ আছে - এ ধরনের সংস্থা/প্রতিষ্ঠানের দরপত্র গ্রহণযোগ্য হবে না ;
- (২৫) প্রবেশ টিকেট ব্যবস্থাপনা সংক্রান্ত কার্যাবলী স্পর্শকাতর বিধায় ইজারাপ্রাপ্ত প্রতিষ্ঠানকে মেলা কর্তৃপক্ষের সাথে এতদসংক্রান্ত শর্তসম্বলিত টাঃ ৩০০/- (তিনশত) মাত্র এর মূল্যমানের নন-জুডিশিয়াল স্ট্যাম্প একটি চুক্তিতে আবদ্ধ হতে হবে ;
- (২৬) মেলা কর্তৃপক্ষ কর্তৃক সময়ে সময়ে জারীকৃত আদেশ/নির্দেশনা মেনে চলতে ইজারা গ্রহীতা/বরাদ্দপ্রাপ্ত প্রতিষ্ঠান বাধ্য থাকবেন ;
- (২৭) অনিবার্য কোন কারণে (যেমনঃ প্রাকৃতিক দৈব দুর্বিপাক, সরকারি সিদ্ধান্ত, হরতাল, মহামারী অথবা রাজনৈতিক অস্থিরতা) মেলা স্থগিত বা বন্ধ ঘোষণা করা হলে ডিআইটিএফ-২০২৪ তহবিলে দরদাতার জমাকৃত কোন অর্থ ফেরত প্রদান, পূর্ণভরন বা সমন্বয় করা হবে না;
- (২৮) ডিআইটিএফ-২০২৪ এর প্রবেশ টিকেট ইজারা প্রাপ্ত প্রতিষ্ঠান কোনক্রমেই ইজারা কার্যক্রম অন্যের নিকট হস্তান্তর বা Power of Attorney প্রদানপূর্বক ইজারা কার্যক্রম পরিচালনার ক্ষমতা/দায়িত্ব প্রদান করতে পারবে না। এ ধরনের কোন কার্যক্রম প্রদান করা হলে কার্যাদেশ/ইজারা চুক্তিমা বাতিল বলে গণ্য হবে এবং সমুদয় অর্থ বাজেয়াপ্ত করা হবে;
- (২৯) দরপত্রের বিজ্ঞপ্তি ও দরপত্রের শিডিউলে বর্ণিত কোন শর্ত ভঙ্গ করলে জরিমানা আরোপ, ভবিষ্যতে অনুষ্ঠিতব্য মেলায় অংশগ্রহণের জন্য অযোগ্য ঘোষণা, কালো তালিকাভুক্তসহ অন্যান্য শাস্তিমূলক ও আইনানুগ ব্যবস্থা গ্রহণ করা হবে।
- (৩০) পূর্ববর্তী মেলা বা মেলাসমূহে অংশগ্রহণকারী কোন প্রতিষ্ঠান বা ব্যক্তির নিকট মেলা কর্তৃপক্ষের কোন অর্থ পাওনা থাকলে উক্ত প্রতিষ্ঠান/ব্যক্তি অথবা উক্ত প্রতিষ্ঠানের স্বত্বাধিকারী অথবা তার মালিকানাধীন সকল প্রতিষ্ঠান ডিআইটিএফ-২০২৪ এর দরপত্র কার্যক্রমে অংশগ্রহণ করতে পারবে না এবং এরূপ প্রতিষ্ঠান/ব্যক্তি বা প্রতিষ্ঠান সমূহের নামে মেলায় প্রবেশ টিকেট ইজারার কাজ বরাদ্দ করা হবে না।
- (৩১) প্রয়োজন হলে মেলা কর্তৃপক্ষ ডিআইটিএফ এর প্রবেশ টিকেট ইজারা/বরাদ্দ কাজ ঠিকাদারী প্রতিষ্ঠান ব্যতীত অন্য কোন সংস্থা/প্রতিষ্ঠান বা অন্য কোন কর্তৃপক্ষ বা বিভাগের মাধ্যমে অথবা অন্য কোন উপায়ে সম্পাদন করতে পারবেন।
- (৩২) মেলার যে কোন কাজের বা যে কোন বরাদ্দের মোট ফ্লোর মূল্য বা মোট বরাদ্দমূল্য ৩০ (ত্রিশ) দিনের জন্য প্রযোজ্য বলে গণ্য করতে হবে।
- (৩৩) মেলায় এ কাজের বরাদ্দপ্রাপ্ত কোন প্রতিষ্ঠানের কর্মকর্তা/কর্মচারী অথবা স্বত্বাধিকারী মেলা কর্তৃপক্ষের সাথে কোন অসৌজন্যমূলক আচরণ করলে ব্যারোর ভাইস চেয়ারম্যান তাদের বিরুদ্ধে মামলা দায়ের/আইনানুগ ব্যবস্থাসহ সে প্রতিষ্ঠানকে ডিআইটিএফ এ অংশগ্রহণের অযোগ্য ঘোষণা করতে পারবেন।



- (৩৪) ডিআইটিএফ এর দরপত্র কার্যক্রমে অংশগ্রহণ এবং কাজের বরাদ্দ বাবদ মেলা তহবিলে জমাযোগ্য সকল অর্থ www.epb.gov.bd থেকে ডিপোজিট স্লিপের নির্ধারিত ফরম প্রিন্ট করে তা পূরণপূর্বক উহার মাধ্যমে ব্যাংক ব্যাংকের যে কোন শাখায় জমা করতে হবে। অন্যথায় মেলা তহবিলে অর্থ জমার দাবী গ্রহণযোগ্য হিসাবে গণ্য করা হবে না।
- (৩৫) মেলায় অংশ গ্রহনের উদ্দেশ্যে মেলা তহবিলে অর্থ জমার সমর্থনে ব্যাংক থেকে প্রদত্ত/প্রাপ্ত ডিপোজিট স্লিপে আবেদনকারী প্রতিষ্ঠানের নাম উল্লেখ না থাকলে তা গ্রহণযোগ্য হিসেবে বিবেচিত হবে না।
- (৩৬) ডিআইটিএফ এ কাজ বরাদ্দের জন্য নির্বাচিত কোন প্রতিষ্ঠান বরাদ্দপ্রাপ্ত কাজ নির্ধারিত সময়ের মধ্যে সম্পাদন করতে ব্যর্থ হলে অথবা সম্পাদন করতে অপারগতা প্রকাশ করলে অথবা সম্পাদন না করলে অথবা দরপত্র বিজ্ঞপ্তি/শিডিউল/কার্যাদেশ/বরাদ্দপত্রে উল্লিখিত কোন শর্ত ভঙ্গ করলে উক্ত প্রতিষ্ঠানের অনুকূলে ইস্যুকৃত কার্যাদেশ/বরাদ্দপত্র বাতিল করে মেলায় সকল প্রকার কার্যক্রম তাৎক্ষণিকভাবে বন্ধ করে দেয়া যাবে এবং উক্ত মূল্য/রয়্যালটি, ভ্যাট, আয়কর প্রভৃতি বাবদ মেলা তহবিলে জমাকৃত সমুদয় অর্থ মেলা তহবিলের অনুকূলে বাজেয়াপ্ত হবে। এছাড়া এ সকল ক্ষেত্রে পরবর্তী সর্বোচ্চ দরদাতা প্রতিষ্ঠান এর অনুকূলে এ কাজের কার্যাদেশ দেয়া হবে।
- (৩৭) মেলার এ কাজের জন্য প্রাথমিকভাবে নির্বাচিত বা প্রাথমিকভাবে বরাদ্দপ্রাপ্ত কোন প্রতিষ্ঠান দরপত্র বিজ্ঞপ্তি/প্রাথমিক কার্যাদেশ/প্রাথমিক বরাদ্দপত্রের শর্ত মোতাবেক প্রযোজ্য সম্পূর্ণ অর্থ মেলা তহবিলে জমা না করলে উহার অনুকূলে এ কাজের চূড়ান্ত কার্যাদেশ বা চূড়ান্ত বরাদ্দপত্র দেয়া হবে না। এক্ষেত্রে তাদের নামে ইস্যুকৃত প্রাথমিক কার্যাদেশ/বরাদ্দপত্র বাতিল করে মেলা তহবিলে সংশ্লিষ্ট প্রতিষ্ঠানের জমাকৃত সমুদয় অর্থ বাজেয়াপ্ত করে তাদের বিরুদ্ধে অন্যান্য আইনানুগ ব্যবস্থাগ্রহণ করা হবে।
- (৩৮) মেলা কর্তৃপক্ষ যুক্তিসঙ্গত ও প্রয়োজন মনে করলে মেলা মাঠের মাস্টার প্ল্যান যে কোন সময় পরিবর্তন/সংশোধন করতে পারবে।
- (৩৯) হার্ডকপির মাধ্যমে দাখিলকৃত প্রতিটি দরপত্রের খামের উপর দরপত্র বিজ্ঞপ্তিতে উল্লিখিত কাজের ক্রমিক নম্বরসহ সংশ্লিষ্ট কাজের নাম উল্লেখ/লিপিবদ্ধ করতে হবে।
- (৪০) অত্র শিডিউলের প্রতি পৃষ্ঠায় দরপত্র দাতা প্রতিষ্ঠানের সীলমোহর ও স্বত্বাধিকারী/দায়িত্বপ্রাপ্ত কর্মকর্তা কর্তৃক স্বাক্ষরিত হতে হবে ;
- (৪১) উপরে উল্লিখিত শর্তাবলী ছাড়া পত্রিকায় প্রকাশিত দরপত্র বিজ্ঞপ্তিতে উল্লিখিত সংশ্লিষ্ট অন্যান্য শর্তাবলী আবেদনকারী প্রতিষ্ঠান সমূহের জন্য প্রযোজ্য হবে এবং সে সকল শর্তাবলী প্রযোজ্যতা মোতাবেক দরপত্র দাখিলকারী/কার্যাদেশ প্রাপ্ত প্রতিষ্ঠানকে পরিপালন করতে হবে।
- (৪২) অসম্পূর্ণ দরপত্র বা আবেদনপত্র গ্রহণযোগ্য হবে না।
- (৪৩) ডিআইটিএফ-২০২৪ কর্তৃপক্ষ কোন কারণ দর্শানো ব্যতিরেকে যে কোন দরপত্র গ্রহণ বা বাতিল অথবা সকল দরপত্র বাতিলের পূর্ণ ক্ষমতা সংরক্ষণ করে।
- (৪৪) মেলা কর্তৃপক্ষ যে কোন সময় মেলার তারিখ ও সময় পরিবর্তন করতে পারবেন এবং যেকোন শর্ত সংশোধন পরিবর্তন ও বাতিল করতে পারবে।
- (৪৫) প্রয়োজনবোধে স্বাক্ষরযুক্ত অতিরিক্ত কাগজ ব্যবহার করা যাবে। প্রতিটি উক্ত দর/মূল্য অংকে এবং কথায় লিখতে হবে।

১৪। দরপত্র দাতার স্বাক্ষর, তারিখ ও সীলমোহরঃ


 সচিব (উপসচিব)
 রপ্তানি উন্নয়ন ব্যুরো, ঢাকা
 ও
 পরিচালক

২৮তম ঢাকা আন্তর্জাতিক বাণিজ্য মেলা (ডিআইটিএফ-২০২৪) সচিবালয়

১, কাওরান বাজার, টিসিবি ভবন (৫ম তলা), ঢাকা-১২১৫

ফোনঃ ০২-৫৫০১৩৪২০, PABX ০২-৯১৪৪৮২২-২৪, ৮১৮০০৮৪, ৮১৮০০৮৭, ৮১৮০০৯০, এক্সটেনশন নং-১১৪, ফ্যাক্সঃ ৮৮০-২-৫৫০১৪০২৪

ওয়েবসাইটঃ www.epb.gov.bd, ই-মেইলঃ secy@epb.gov.bd, Facebook: www.facebook.com/epb.gov.bd

